



Broj:01-01-1696/22-JN  
Sarajevo, 27.09.2022.godine

Na osnovu člana 70. stav (1), (3) i (6), člana 8. Zakona o javnim nabavkama („Službeni glasnik BiH“, broj 39/14), člana 13. stav (2) Pravilnika o javnim nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 05/1-0544-UO/15 od 30.03.2015. godine i člana 5. Pravilnika o izmjenama Pravilnika o nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 09/1-3012-UO/17 od 29.12.2017. godine, na osnovu Preporuke Komisije za javne nabavke, broj: 09/3-1660/22-JN od 26.09.2022.godine, u ponovnom postupku odlučivanja, a u skladu sa Rješenjem Ureda za razmatranje žalbi, broj: JN2-03-07-1-2248-9/22 od 08.09.2022. godine, direktor Javne ustanove „Služba za zapošljavanje Kantona Sarajevo“ Sarajevo *donosi*

## **O D L U K U**

### **o izboru kvalifikovanog ponuđača za usluge iz Aneksa II dio B Advokatske usluge i druge pravne usluge**

#### **I**

U cilju odabira kvalifikovanog ponuđača, a na osnovu Izmjenjenog i dopunjenog Javnog poziva za dostavu ponuda broj: 0449-1/22 od 24.03.2022 godine, u provedenom postupku nabavke Advokatskih usluga i drugih pravnih usluga, usluge predviđene Aneksom II dio B Zakona o javnim nabavkama, za potrebe Javne ustanove „Služba za zapošljavanje Kantona Sarajevo“ Sarajevo, u ponovnom postupku odlučivanja, a u skladu sa Rješenjem Ureda za razmatranje žalbi, broj: JN2-03-07-1-2248-9/22 od 08.09.2022. godine, kao jedina prihvatljiva, ocijenjena je ponuda ponuđača:

- Advokatski ured Sanel Nezirić

#### **II**

Ponuđač iz tačke I. ove Odluke dostavio je prihvatljivu ponudu u skladu sa kvalifikacionim uslovima shodno Izmjenjenom i dopunjenom Javnom pozivu za dostavu ponuda, objavljenom na web stranici Javne ustanove „Služba za zapošljavanje Kantona Sarajevo“ Sarajevo, a ista zadovoljava zadane kvalifikacijske uslove za učešće u predmetnom postupku javne nabavke.

#### **III**

Izabrani ponuđač, Advokatski ured Sanel Nezirić, u obavezi je da dostavi dokaze o ispunjvanju uslova za kvalifikaciju i to na način i u formi kako je zahtijevano u okviru Tenderske dokumentacije u roku od 5 (pet) dana, od dana prijema ove Odluke, ukoliko iste nije dostavio uz ponudu.

#### **IV**

Za izvršenje ove Odluke zadužuje se i ovlašćuje Jedinica za nabavke.

#### **V**

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđačima koji su sudjelovali u postupku predmetne nabavke, shodno članu 70. stav (6) Zakona o javnim nabavkama BiH.

### **Obrazloženje**

Dana 21.07.2022. godine, ugovorni organ donio je Odluku o izboru kvalifikovanih ponuđača za usluge iz Aneksa II dio B-Advokatske usluge i druge pravne usluge broj: 01-01-1285/22 JN. Ponuđač Advokatski Ured Sanel Nezirić, kao jedan od kvalifikovanih, nezadovoljan navedenom Odlukom, na istu izjavljuje žalbu. Nadalje, Ured za razmatranje žalbi, Filijala/ Podružnica Mostar (u daljem tekstu: URŽ), u postupku rješavanja po žalbi žalitelja Advokatski ured Sanel Nezirić bez broja od 04.08.2022.

godine, svojim je Rješenjem, broj: JN2-03-07-1-2248-9/22 od 08.09.2022. godine, potvrdio osnovanost žalbenih novoda, poništio osporavanu Odluku i predmet vratio ugovornom organu na ponovni postupak.

Slijedom prednjeg, Komisija za javne nabavke, imenovana Rješenjem broj: 01-01-34-0399/22 od 11.03.2022. godine, postupajući po Rješenju URŽ-a, broj: JN2-03-07-1-2248-9/22 od 08.09.2022. godine, pristupila je ponovnoj analizi i pregledu pristiglih ponuda, o čemu je sačinila odgovarajući Zapisnik broj: 09/3-1659/22 JN od 26.09. 2022. godine, te u istom navela sljedeće konstatacije:

-Da je ponuda ponuđača Advokati Gavrankapetanović Bekir, Koldžo Damir, Kukić Emir, Gavrankapetanović Džemila, Gavrankapetanović B. Bekir, broj: 01/22 od 01.04.2022. godine, neprihvatljiva, zbog određenih nepravilnosti iste, kako dalje navodi ponuda niti u jednom svom dijelu nije numerisana, čime je narušen kontinuitet i integritet same ponude, suprotno tački V. Izmjenjenog i dopunjenog javnog poziva za dostavu ponuda broj: 0449-1/22 od 24.03.2022. godine, članu 57. stav (1) Zakona o javnim nabavkama i članu 8. stav (6) Uputstva za pripremu modela Tenderske dokumentacije i ponuda, shodno žalbenim navodima žalitelja, te činjenici da je URŽ ove žalbene navode usvojio.

Nadalje, Komisija je stava da je ponuda ponuđača Advokatski ured Sanel Nezirić broj: 04/22 od 17.04.2022. godine, jedina prihvatljiva, s obzirom na činjenicu da sadrži sve traženo okvirom Izmjenjenog i dopunjenog javnog poziva za dostavu ponuda.

U postupku donošenja ove Odluke posebno su cijenjene činjenice da je Komisija postupila po stavovima URŽ-a, iznesenim u Rješenju broj: JN2-03-07-1-2248-9/22 od 08.09.2022. godine, a u odnosu na žalbene navode žalitelja, te u skladu sa Zakonom o javnim nabavkama i podzakonskim aktima iz oblasti javnih nabavki.

Naime, u skladu sa uslovima, karakteristikama i zahtjevima definisanim okvirom Izmjenjenog i dopunjenog javnog poziva za dostavu ponuda, a cijeneći naprijed navedeno, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, u skladu sa članom 99. i 101. Zakona o javnim nabavkama BiH.

Pripremila/obradila: Maida Zenuni [REDACTED]

Odgovoran za zakonitost i tačnost podataka: Ibrahim Lika [REDACTED]

**DIREKTOR**  
[REDACTED]  
**Tomislav Martinović**

#### **Dostaviti:**

- Svim učesnicima u postupku javne nabavke,
- Komisiji za javne nabavke,
- Evidenciji,
- A/a.

